



Hirugarren bozketan
ere Alliren kontrako
botoa eman zuten
parlamentari gehienek / 4



Berritasunak ekarri
zituen Muskildiko
herriak antzeztutako
Harizpe pastoralak / 23



Irazabalbeitia:
«Unibertsitatea ezin
dugu boluntarismoan
oinarritu» / 9

Egunkaria

Asteartea, 1991ko uztailak 23 / II. urtea / 194. zenbakia / Salneurria: 75 pta. / 4,5 libera

Bakerren plana onartzekotan da Yitzhak Shamir

Ekialde Erdirako bake konferentzia egiteko Israelek baieztatu du ofizialik eman ez badu ere, Yitzhak Shamir Israelen lehen ministroak harrera ona egin zion James Bakerrek aurkeztutako planari. Estatu arabiarrek onartua dute jada Israelekin zuzeneko negoziaketak egitea (NBeko ordezkariak behatzaile baino ez lirateke izango). / 17

Hogei lagun hil ziren gutxienez atzo Eslavonian

Gutxienez hogei lagun hil ziren atzo Kroaziako Eslavonia eskualde «serbiarren» gertatutako enfrontamendu armatuetan. Hildakoen artean, hamabost Kroaziako unitate armatuetako kide ziren, eta bi bederen serbiar zibilak. Istilu hauek zirela eta, Jugoslaviako Lehendakaria Kolesiaren bileratik irten egin zen Franjo Tudjam Kroaziako lehendakaria. / 18

Soldadutzarako legeak gauzatzeko zailtasunak ditu

Espainiako Gobernuak prestatutako soldadutzarako lege proiektuak zailtasun handiak izango ditu gauzatu ahal izateko. Julian Garcia Vargas Defentsa ministroak atzo esan zuenez, legea 1992ko lehen txandan hasiko da aplikatzen. Soldadutza «berrian» norberak aukera dezake non eta noiz egin zerbitzu militarra, baina bakarrik gazteen % 13rentzako dago tokia sistema honetan. / 16

Espainiako Polizia burua kendu egingo dute kargutik

Madriko Autonomi Elkartearen kontseilari izango da Rodríguez Colorado

Jose María Rodríguez Colorado Espainiako Poliziaren Zuzendari Nagusiak utzi egingo du bere kargua. Madriko Autonomi Elkartearen kontseilari izango da orain artean Espainiako Poliziaren buruzagitzan aritu dena.

Filtrazio baten bidez jakin zen berria eta iturri horren arabera krisia dago Corcuera buru duen Espainiako Barne Ministeritzan. Rodríguez Colorado esan zuen prentsaren bidez jakin zuela Madriko Autonomi Elkartearen kontseilari zela, eta ez

duela ezer esan nahi ostiraleko Ministro Kontseiluak bere zesea publiko egin arte.

Oraindik ez du Barne Ministeritzak Rodríguez Coloradoren ordezkaria zein izango den argitu. Bere posturako behin baino gehiagotan aipatu izan den izena Manuel Céspedes dugu, Madriko Gobernu Ordezkaria Melillan.

Iturri guztiek diotenez jakina zen Jose María Rodríguez Colorado ez zela ondo moldatzen Rafael Vera Estatu Segurtasunerako idazkaria-

rekin. Haserre horren azpian Colorado ministro izateko zeukan gogoak legoke, eta aditzera emana zuen ministro izendatzen ez bazuten enpresa pribatura pasako zela lanera.

Amedo kasuan deklaratu berria duen Rodríguez Colorado protagonismo berezia izan zuen narkotrafikoaren kontra Garzon epaileak antolatutako 'Nécora' operazioan. Operazioa burutzera zihoanean, Jose María García kazetariari dei egin zion bere lagun baten bila ere joango zirela abisu emanez.



REALAK eta Athleticen atzo aurkeztu zituzten 1991-92 denboraldirako taldeak. CARLOS VILLAGRANEN argazkian ikus daitekeen talde donostiarraren kasuan, Oceano, Carlos Xavier eta Toshack dira nobedade nagusiak. Estraineko aldiz Iñaki Saezen zuzendaritzapean abiatuko den Athleticen Kuko Ziganda eta Ayarza dira berrikuntza


nagusiak. Oraindik guztiz zehaztu gabe daude bi taldeak. Donostiarraren kasuan Luis Garcia eta Lorenen kasuak daude oraindik lotzeke, eta bilbotarren kasuan Luis de la Fuenteren fitxaketa posiblea. Helburuak ordea finkatuta dituzte bi taldeek: Lertxundi eta Alkizaren hitzetan Europako Txapelketa da bi euskal talde hauen helburu nagusia. / 21-22

MADALENAK MUTRIKUN ETA ERRENTERIAN / 11-12

KATALUNIA

Independentziaz eztabaida bizia

Kataluniak ekaitz politikoa bizi du. MDTko kideek eraso egin zieten igandean harriak, beraientzat «traidore» diren ERCkoei. Alderdi abertzaleek independentziaren aldeko agiri sutua ere sinatu zuten. / 15



Indurain, atzoko etaparen ondoren.

Alpe d'Huez-en atarian Induraini eraso egin zioten beste faboritoek

Marco Lietik Ariostearen taldearen hirugarren garaipena lortu zuen Gapeko helmugan, eta Banestok lan handia egin behar izan zuen Bugno, Chiappucci eta Fignon tartean zituen ihesaldia kontrolatzeko. Indurainek, hala ere, oso lasai egin zuen etapa.

Zortzikotearekin bat egin eta segidan Greg Lemondek erasoak bota zuen. Marco Lietik baino ez zion jarraitu, eta helmugan Ariostearen taldekoa nagusitu zen; estatubatuarrek 25 segunduko aldea ateratzen zion ordea Induraini. Gaur iritsiko da Tourreko tropela Alpe d'Huezera, eta 125 kilometroko etapa arriskutsua eta bizia iragartzen da. / 19-20

BESTERIK

POLITIKA

Durantez epailea Parisera joan da El Francesen armak ikertzerak / 5

KIROLAK

Argentinak irabazi zuen futboleko Amerikako Kopa / 24

KULTURA

Benny Carter-en saxoak jazzaren benetako zaporea barreiatuko du Donostian / 26